

紀都

敘曰吳越王崛起臨安山中建社茲土傳國百年  
奄有十四州地是時羣雄颺起跋扈跳梁武肅王  
鎮一方蓋五霸桓文之業也宋有真主俛首內附  
俾十四州民耳不聞鉦鼓目不睹兵鏑誰力耶迨  
宋南渡於焉駐蹕檜謀入鄂王死宋迺僂焉計不  
越江以北一步地昔之王居更為帝室宮闕苑囿  
略儷汴京雖國勢偏安而天命未改象魏猶懸居  
然王都矣滄桑既移鼎鐘淪沒王氣霸圖闐然銷  
沈爰錄其概為二篇曰紀都

錢塘縣志 紀都

吳越

武肅王錢鏐

字具美五代唐天復二年封吳越國王長興二年卒壽八十一

文穆王元瓘

字明寶武肅王子嗣位天福六年卒壽五十五

忠獻王宏佐

字祐立文穆王子嗣位開運二年卒壽二十

忠懿王宏俶

字文德忠獻王弟嗣位宋太平興國三年納土端拱元年卒壽六十追封

秦王

城門二十吳越國治在鳳凰山下內為子城二門曰

通越門

子城南雙門子城北

外自秦望山由夾城東亘

江干薄錢塘湖霍山范浦凡七十里十門曰朝天

門

吳山下今鎮海樓

龍山門

六和塔

竹車門

望仙橋

新門

炭橋東



南土門薦橋北土門菜市鹽橋門鹽橋西關門雷峰

北關門夾城寶德門艮山

屯營六白壁營城南寶劍營鍾公青字營鹽橋福

州營梅家馬家營坊內大路營褚家

祠廟墓古蹟表忠觀龍山武肅王廟龍山文穆王廟龍山

文穆王墓龍山忠獻王墓龍山孝獻世子墓天鐵幢鐵

浦磨劍池

唐昭宗賜吳越錢武肅王鐵券維乾寧四年歲次丁巳八月甲辰朔四日丁未皇帝若曰咨爾鎮海鎮東等軍節度浙江東西等道觀察處置營田招討等使兼兩浙鹽鐵制置發運等使開府儀同三司檢校太尉兼中書令使持節潤越等州刺史上柱國彭城郡王食邑五千戶食實封一百戶錢鏐

錢塘縣志 紀都 二

朕聞銘鄧騭之勳言垂漢典載孔惺之德事美魯經則知褒德策勳古今一致頃者董昌僭偽為昏鏡水狂謀惡貫流染齊人而爾披攘凶渠盪定江表忠以衛社稷惠以福生靈其機也氛祲清其化也疲羸泰拯於粵於塗炭之上師無私焉保餘杭成金湯之固政有經矣志獎王室績冠侯藩溢于旂常流在丹素雖鍾繇刊五熟之釜寶憲勒燕然之山未足顯功抑有異數是用錫其金板申以誓詞長河有似帶之期泰華有如拳之日惟我念功之旨永將延祚子孫使卿長襲寵榮克保富貴卿恕九死子孫哉宜付史館頒示於天下錢鏐謝表恩旨賜惟欽哉鐵券一道臣恕九死子孫三死者出自睿臣金書鐵券一以絲髮之勞賜臣以山海之誓眷形此綸言錄臣以文震動神祇飛揚肝膽伏念臣鑄金作誓指日成文震動神祇飛揚肝膽伏念臣爰從筮仕逮及秉旄每日揣量是何叨忝行如履薄動若持盈惟憂福過禍生敢冀慎初護末豈期此志上感宸聰憂臣以處極多虞慮臣以防閑不至遂關聖慮永保私門勗臣以功名申諸帶礪雖君親囑念皆云必恕必容而臣子為心豈敢傷慈



傷愛謹當日謹一日戒子戒孫不敢因此而累恩  
不敢承此而賈禍聖主萬歲愚臣一心謹誠惶誠  
恐頓首頓首宋蘇軾表忠觀記熙寧十年十一月  
戊子資政殿大學士右諫議大夫知杭州軍州事  
臣抃言故吳越國王錢氏墳廟及其父祖妃夫人  
子孫之墳在錢塘者二十有六在臨安者十有一  
皆蕪廢不治父老過之有流涕者謹按故武肅王  
鏐始以鄉民破走黃巢名聞江淮復以八都兵討  
劉漢宏并越州以奉董昌而自居于杭及昌以越  
叛則誅昌而其孫忠獻王宏佐遂破李景兵取福州  
而宏佐之弟忠懿王宏俶又三大出兵攻景以迎周  
世宗之師其後卒以國入觀三世四王與五代相  
終始天下大亂豪傑蜂起方是時以數州之地盜  
名字者不可勝數既覆其族延及于無辜之民罔  
有孑遺而吳越地方千里帶甲十萬鏞山煮海象  
犀珠玉之富甲於天下然終不失臣節貢獻相望  
于道是以其民至於老死不識兵革四時嬉遊歌  
舞之聲相聞至于今不廢其有德于斯民甚厚皇  
宋受命四方僭亂以次削平西蜀江南負其險遠

錢塘縣志

紀都

三

兵至城下力屈勢窮然後束手而河東劉氏百戰  
守死以抗王師積骸為城釃血為池竭天下之力  
僅乃克之獨吳越不待告命封府庫籍郡縣請吏  
于朝視去其國如去傳舍其有功于朝廷甚大昔  
竇融以太牢歸漢光武詔右扶風修理其父祖墳  
塋祠以道傷嗟甚非所以勸獎忠臣慰答民  
墳廟不治行行道傷嗟甚非所以勸獎忠臣慰答民  
心之義也臣願以龍山廢佛祠曰妙因院者為觀  
使錢氏之孫為道士曰自然者居之凡墳廟之在  
錢塘者以付自然其在臨安者以付其縣之淨土  
寺僧曰道微歲各度其徒一人使世掌之籍其地  
之所入以時修其祠宇封殖其草木有不治者縣  
令丞察之甚者易其人庶幾永終不墮以稱朝廷  
優恤錢氏之意臣抃昧死以聞制曰可其妙因院  
改賜名曰表忠觀銘曰天目之山蒼水出焉龍飛  
鳳舞萃於臨安篤生異人絕類離羣奮挺大呼從  
者如雲仰天誓江日星晦矇強弩射潮江海為東  
殺宏誅昌奄有吳越金券玉冊龍符虎節大城其  
居包絡山川左江右湖控引島蠻歲時歸休以燕  
父老擘如神人玉帶球馬四十一一年寅畏小心厥



篲相望大貝南金五朝昏亂罔堪託國三王相承  
以待有德既獲所歸弗謀弗咨先王之志我維行  
以天祚忠孝世有爵邑允文允武子孫千億帝謂  
守臣治其祠墳母俸樵牧愧其後昆龍山之陽歸  
焉新宮匪私于錢維以勸忠非忠無君非孝無親  
凡百有位視此刻文陌上花歌吳越王妃每歲春  
必歸臨安王以書遺妃曰陌上花開可緩緩歸矣  
其人用其語為歌含思宛轉聽之淒然而其詞鄙  
野為易之云陌上花開蝴蝶飛江山猶是昔人非  
遺民幾度年年老遊女長歌緩緩歸陌上山花無  
數開路入爭看翠軒來若為留得堂堂去且便從  
教緩緩回生前富貴草頭露身後風流陌上花已  
作遲遲君去魯獨歌緩緩妾回家虞舜卿詩巾子  
山前大士來虛疑強弩射潮回素車忍犯鴨夷怒  
錦樹還依仙姥栽寶刹滿城懸日月大江截地走  
風雷由來霸氣憑天險漫倚金幢鎮劫灰徐一夔  
辨鐵幢按舊臨安志郡人相傳吳越王鏐用強弩  
射潮箭所止處立鐵幢識之又云錢氏子孫言築  
塘時高下置鐵幢三以爲水則在今利津橋北者  
其一也舊名其地爲鐵幢浦幢制首圓如杵徑七

錢塘縣志

紀都

四

八寸許出土約三尺餘其趾入土不知其幾故老  
又云初置幢時塘猶未成慮潮邊幢用鐵輪護幢  
趾而以鐵繩貫幢幹且繩維於塘上下之石糖然  
後實土築塘故幢首出土云此說也宋消佑開  
趙安撫與篲買民地作亭覆幢今亭夷爲民居獨  
存窪池而鐵幢之首嶄然出窪池可驗幢本有三  
故老云一在舊便門街東南小巷今其巷尚名曰  
鐵箭一在舊薦橋門外皆堙塞於民居僅存其在  
利津橋者又爲民居所蔽若不表識久亦堙塞此  
實幢也近世有賦鐵箭者遂指此幢爲箭認幢首  
爲鏃不思方射潮時已逐潮去矣箭鳥能存且鏐  
雖英雄不自知而妄作可笑一時之精誠未必異  
於常箭不可拔以爲神異此尤不察其下有關鍵  
可撼而不可拔以爲神異此尤不察其下有關鍵  
故也至惑於夷堅志之說謂此矢  
拔則龜目紅其言尤謬故力辯之

南宋

高宗構

徽宗第九子初封康王徽欽北狩  
遂即位在位三十六年壽八十



孝宗瑋秀王偁子高宗育之受內禪

光宗惇孝宗第三子初封恭王受內禪在位五年壽五十四

寧宗擴光宗第三子初封嘉王受內禪在位三十年壽五十七

理宗昀榮王希墟子寧宗無嗣史彌遠立之在位四十年壽六十二

度宗禛榮王與芮子初封忠王理宗無嗣立之在位七年壽三十五

恭宗顯度宗次子在位一年北狩

城門三十南宋建都在鳳凰山下即吳越國治故址

紹興中增築內城及東南之外城附于舊城凡十

三門曰候潮門保安門新門崇新門東青門艮山

門錢湖門清波門豐豫門錢塘門嘉會門餘杭門

錢塘縣志 紀都 五

便門

宮門九十麗正門和寧門東華門西華門苑東門苑

西門北宮門南宮門南水門東水門會通門上閣

門宣德門隔門斜門關門玉華閣門含和門貽謨

門

殿十三垂拱殿文德殿大慶殿紫宸殿集英殿以上正朝

延和殿崇正殿福寧殿復古殿選德殿緝熙殿熙

明殿明華殿清燕殿膺福殿慶瑞殿射殿需雲殿

符寶殿嘉明殿明堂殿坤甯殿穠華殿慈明殿慈

元殿仁明殿進食殿欽先殿孝思殿清華殿以上後殿



堂三十 翠寒堂

高宗以日本羅木  
建古松數千株

澄碧觀堂芳春

堂凌寒堂鍾美堂燦錦堂燕喜堂靜華堂清賞堂

稽古堂清遠堂清徹堂澄碧堂蒞淵堂環秀堂文

圃堂書林堂華館堂衍秀堂披香堂德勤堂雲錦

堂清霽堂萼綠華堂碧琳堂凝光堂沈輝堂繡香

堂呈芳堂會景堂正始堂怡然堂信美堂

齋四損齋彝齋謹習齋燕申齋

樓七博雅樓觀德樓萬景樓清暑樓清美樓明遠

樓倚香樓

閣二龍圖閣天章閣寶文閣顯謨閣徽猷閣敷文

錢塘縣志 紀都

六

閣煥章閣華文閣寶謨閣寶章閣顯章閣雲章閣

清華閣凌虛閣清漏閣倚桂閣來鳳閣觀音閣芙

蓉閣萬春閣

臺六欽天臺宴春臺秋芳臺天開圖畫臺舒嘯臺

瑋臺

軒一晚清軒

閣六清華閣睿思閣怡真閣容膝閣受釐閣綠綺

閣

觀一雲濤觀

亭九清泳亭清趣亭清暉亭清顯亭清迴亭清隱



亭清寒亭清激亭清玩亭清興亭靜香亭靜華亭  
春妍亭春華亭春陽亭春信亭融春亭尋春亭映  
春亭留春亭皆春亭寒碧亭寒香亭香瓊亭香玉  
亭香界亭碧岑亭灑碧亭瓊英亭瓊秀亭明秀亭  
深秀亭衍秀亭濯秀亭錦烟亭錦浪亭繡錦亭萬  
錦亭麗錦亭叢錦亭照妝亭浣荷亭綴金亭綴瓊  
亭穠香亭暗香亭晚節香亭巖香亭雲岫亭映波  
亭含暉亭達觀亭秀野亭凌寒亭涵虛亭平津亭  
眞賞亭芳遠亭垂綸亭魚樂亭噴雪亭流芳亭芳  
嶼亭玉質亭此君亭聚芳亭延芳亭蘭亭激湍亭

錢塘縣志 紀都

七

崇峻亭惠和亭浮醴亭泛羽亭凌穹亭迎薰亭會  
英亭正己亭丹暉亭凝光亭雪遙亭參月亭共樂  
亭迎祥亭瑩妝亭植杖亭可樂亭文杏亭壺中天  
別是一家春

園六小桃園杏塢梅岡瑤圃村莊桐木園

庵二寂然庵怡眞庵

坡二瑪瑙坡洗馬坡

橋四萬歲橋清平橋春波橋玉虹橋

泉一穗泉

御舟三蘭橈荃橈旱船



教場一南教場禁中及德壽宮皆有大龍池萬歲

御園一聚景園清波門外孝富春園新門外孝宗

屏山園錢湖門外理宗玉壺園錢塘門外集芳園葛嶺瓊

華園小隱園延祥園瀛嶼挹翠堂慶樂園

北大內高宗倦勤移仗居焉在德壽宮孝宗奉重

華宮慈福宮壽慈宮東宮聚遠樓香遠堂清深堂

松菊三徑梅坡月榭清妍堂清新堂芙蓉岡射廳

載忻堂臨賦粲錦至樂清曠半綻紅瀉碧冷泉堂

文杏館靜樂浣溪絳華早船俯翠以上俱德壽宮內資善

堂鳳山樓榮觀堂玉淵堂清賞堂新益堂繹已堂

錢塘縣志 紀都 八

射圃以上東宮內

高宗盤松贊天賜瑞木德自嶽岑枝蟠數萬餘不

倍尋怒騰龍勢靜奏琴音凌寒鬱茂當暑陰森封

以腴壤灑灑以碧潯越千萬年以慰我心孝宗德壽

宮山泉詩山中秀色何佳哉一峰獨立名飛來參

差翠麓儼如畫石骨蒼閭神所開忽闕彷彿來宮

園指顧已驚成列岫規模絕似靈隱前而勢恍疑

天竺後孰云人力非自然千歲萬壑藏雲烟上有

崢嶸倚空之翠壁下有潺湲漱玉之飛泉一堂虛

敞臨清沼密蔭交加森羽葆山頭草木四時春閱

盡歲寒長不老聖心仁智情優閑壺中天地非人

超塵俗散步逍遙快心目山光水色無盡時長將

挹向杯中漾高文虎橋文堂記臣仰惟皇帝陛下

聰文英睿卓冠百王孝儉恭勤超越千古璣玉瑀

翠之奉弗玩弗親聲色燕曼之娛是屏是遠惟思

延尚儒雅博攷藝文汲汲皇皇如恐弗及聽朝日

昃兩臨講帷宮廷清閒常御翰墨是以帝學時敏

造乎高明聖筆天成覈乎精妙誠皇王之極學時敏



契之罕聞也臣猥以譎才待罪翰苑略無美報可  
稱渥恩唯是直廬密接清禁若初肇址爰在中興  
歲月寢遷區宇滋圯非所以奉宸畫韓儒紳也臣  
進讀邇英冒塵淵聽願加新闢式侈眷私聖度優  
容臣言隨格於外而京守內而典司祇承詔音  
遄力營勦咸釋上意適圖厥功中蠹崇基載登奎  
榜旁連翬舍迭處詞臣局庶區分圖籍彪列靖深  
傲粵眎昔逾宏悉惟元勳力贊英斷肆頒隆旨仍  
名玉堂親灑宸毫增寵禁直乃十一月以摛文堂  
三字下賜小臣昭回之光照映天地婉結之妙經  
麗辰星皇乎躔哉臣切以太宗首賜飛白至于高廟  
謨述作振迪斯文粵自臨寶翰洵錫皇白文帝藻疊  
復被奎鉤今又天輝下臨寶翰洵錫皇白文帝藻疊  
矩而重規河圖洛書交燭而並耀允謂千載之曠  
逢一金華麒麟列于未央宮旁分歲局以居待詔所  
謂玉堂之直翼奉嘗歷是選滴化宸翰蓋取諸此  
紹聖初以避英宗廟諱只榜以二字然臣下止息  
之地不當以前代殿名聖朝寶札揭之以昭尊祖之  
嘗敘此茲乃濬發睿思垂灑翰題上以昭尊祖之

錢塘縣志

紀都

九

休下以彰待士之寵其跡無忌師道被鸞蚪之賜  
至德處俊蒙檄翼之褒參諸顯榮萬萬莫擬臣嘗  
聞堯以文思而運帝德舜以文明而協帝華夏之  
曆年祇於文命周之過歷郁平有文然則帝王相  
傳以文建治也尚矣皇帝陛下若稽古訓左右賢  
規訂制而辨儀披圖而誦律文之經也黼黻天猷  
金玉百度德修而遠裕仁洽而政醇文之效也皇  
化之盛炳炳麟麟增光祖宗潤色洪業貽謀燕翼  
其繇是而推焉臣弗佞虔修奉慶被之翠珉對揚  
天子顯休于萬世云慶元六年正月一日周麟  
之玉堂記臣麟之近于經幃奏事因言昨被旨撰  
皇子賜字上宣諭曰此學士院故事不欲廢也臣  
恭聆玉音竊仰聖主深略緯文遠猷繩武事無鉅  
細允迪前徽一出言不忘典故而禁林自祖宗以  
來優寵詞臣資貺非一昔有巨麗今獨闕焉睿訓  
及之不可嘿已即具國朝淳化初太宗皇帝嘗以  
飛白書玉堂守四字賜翰林學士承旨蘇易簡謂宰  
臣曰易簡告朕求此數字卿可召至中書授之他日  
爲翰林中美事字徑二尺餘龍鵠之勢曲盡神妙曩  
更變故石本亦罕有存者恭惟皇帝陛下聖筆天



縱超冠百王萬機燕間染翰弗輟龍文龜畫刊在  
翠琰布列中外焜耀羣日學宮儒館賁飾尤多惟  
是玉堂直廬密邇清禁臣愚猥以未技誤膺簡擢  
典司內命丁辰晏清書詔甚稀鈴條不鳴惕日無  
補曾弗能攷援故事裨緝闊典以爲萬年無窮之  
休臣則有罪敢昧死以請制曰可越翼日內出玉  
堂二大字以賜奎壁煥爛自天而前下光氣昭倬發  
蔀燭幽開緘竦瞻爵躍詠歎視前世所謂畫起平  
雲點躡芒玉者不足以進于此顧臣譎陋大懼弗  
稱及入謝復得請于都省宣示宰執俟中祕暴書  
俾侍從館閣官咸得觀仰仍以石本分賜士林歆  
豔皇乎哉中興之偉觀一代之彌文也臣謹按玉  
堂本漢別殿在未央宮與清涼宣溫神仙長年金  
華白虎麒麟列峙相望史不詳著而略見于李尋  
翼奉傳然則玉堂蓋殿名也待詔者有直廬在焉  
故尋自謂久汚玉堂之直易簡所乞太宗所賜實  
取諸此後以避英廟諱至紹聖初始撮取二字榜  
於院而識者非之謂不當以前代殿名皇朝寶札  
揭之於臣下止息之地今臣建請則所不敢惟是  
仰承德意勒石旌事以永億載之傳廣四方之藏

錢塘縣志

紀都

十

後儒生千一之遇使天下後世咸知皇帝陛下典  
學稽古迪文右賢藝兼於道能潤色洪業不廢故  
事如此是則恩渥出于非常舊典振於已墜皆不  
失太宗皇帝本意豐功盛烈釀化懿綱巍乎與  
涓化比隆矣輒舉大概書于下方用對揚明天子  
丕顯休命林景熙故宮詩二首驚風吹雨過心  
大槐蹤王氣消南渡僧房住北宗烟深疑碧樹草  
沒景陽鐘煞見花磚月荒秋咽亂蛩冠帶百年  
夢昔遊今重嗟壁池春飲馬槐市暝藏鴉堂鼓晨  
昏寂廊碑風雨斜石經雖不火歲歲長苔花元黃  
潛鳳凰山懷古滄海桑田事渺茫行逢遺老色荒  
涼爲言故國遊麋鹿護指空山號鳳凰春盡綠莎  
迷輦道雨多蒼薺上宮牆遙知泝水東流畔更有  
平蕪與夕陽國朝高啟宋宮遺址茲山勢將飛宮  
殿壓其上江潮正東來朝夕似奔響當時結構意  
欲敵洪都壯我來百年後紫氣怒不王鳥嘯壁門  
空落葉滿陰障風悲度遺樂樹古羅嚴仗行人悼  
降王故老怨奸相蒼天何悠悠未得問興喪世運  
今復衰淒涼一回望瞿佑故宮歎二首金輪夜半  
北方起炎精未墜光先死青衣去作行酒人泥馬



來爲失鄉鬼江頭宮殿列嶺岬湖上笙歌樂宴安  
魚羹自從五嫂乞殘酒卻笑儒生酸格天閣上燒  
銀燭申王計就斬王逐累世內禪諱言兵中興之  
功罪難贖開邊釁動終倒戈師臣函首去求和木  
絲庵下新鬼哭誤國重逢賈八歌琉璃作花禁珠  
翠上馬裙輕淚妝媚朔風吹塵笳鼓鳴天目山崩  
海潮避往事興亡誰與論亭亭自塔鎮愁魂惟有  
樓霞嶺頭樹至今人說岳王墳嘉會門前柳影  
垂海鮮橋下水聲悲美人寂寞爲黃土往事荒涼  
有斷碑芳草自生行殿石殘花猶宿御園枝古今  
興廢皆如此空使遺民歎黍離僧宗泐詩二首欲  
識錢塘王氣徂紫宸官殿入青蕪胡方鐵騎飛天  
塹師相樓船宿裏湖白雁不知南國破青山還旁  
海門孤百年又見城池改多少英雄屈壯圖天  
地無情日月徂鳳凰山下久榛蕪獨麟內殿成荒  
寺空見前山映後湖塞北有誰遣一老海南無處  
問諸孤蓬萊閣上秋風起先向燕京入畫圖錢思  
復自塔詩四首鹿苑蕭條景龍山慘淡陰百年同  
感慨九日此登臨官葉詩誰寫籬花久共斟不知  
城外雨涼思滿幽襟香火今朝寺雲山前代宮

錢塘縣志

紀都

十一

雕欄陳蹟在白塔溟烟籠雨泣蛟龍柱風悲孤鳳  
桐惟應江上水千古酌英雄登臨休賦黍離章  
千里江流接大荒劍鎖血華空楚舞鏡埋香骨失  
秦粧薜蘿山鬼嘯螢苑荆棘銅駝卧鹿場寂寞萬  
年枝上月夜深猶照舊空牆宋宮傳是唐朝寺  
白塔崔嵬寢殿前夏雨染成千樹綠暮風散作一  
江烟蒼苔門外銅鋪暗細柳營中畫角傳寂寞葫  
蘆官井畔野人拾得舊金鈿林景熙冬青行冬青  
花不可折南風吹涼積香雪遙遙翠蓋萬年枝上  
有鳳巢下龍穴君不見天之年羊之月霹靂一聲  
天地裂林景熙夢中詩四首珠亡忽震蛟龍睡軒  
弊盡忘犬馬情親拾寒瓊出幽草四山風雨鬼神  
驚一坏自築珠邱土雙匣親傳竺國經只有春  
風知此意年年杜宇哭冬青昭陵玉匣走天涯  
金粟堆寒起暮鴉水到蘭亭轉嗚咽不知真帖落  
誰家珠鳧玉雁又成埃班竹臨江首重回猶憶  
年時寒食節天家一騎捧香來仇仁近詩漸無南  
渡舊衣冠尚有西湖風雨寒鳳鳥不來山寂寂鴟  
夷何在漫漫荒陵樵采官猶禁故苑烟花客自  
看惟恨餘杭門外柳長年不了送征鞍張翥詩南



渡君臣建業偏不堪喬木黯風烟豈知白馬興王  
日又到紅羊換劫年三輔皇圖空郡國六朝王氣  
渺山川白頭開府歸來日應覽遺蹤一愴然陳廷  
吉詩越水吳山共寂寥已無遺老話前朝海門三  
日潮聲歇天日千年王氣消夜月鳥嘯龍井樹春  
風花落海鮮橋威儀文物今何在回首浮屠倚碧  
霄王逢詩四首王氣凌虛散曉霞虎闌麟閣靜烟  
花中天日月迂黃道滄海風雲冷翠華望帝神遊  
夔子國烏衣夢隔野人家當時舉目山河異豈但  
紅顏泣塞笳周南風伯漢衣冠五色雲中憶駐  
鑿瓔珞檜高藏白獸蕊枝花發降文鸞河通織女  
機絲溼雨歌巫娥翠黛寒滿地吳山誰麗淚一江  
春水獨凭欄瑶池青鳥集觚稜白塔金鳧闕夜  
燈雲母帳虛星彩動水晶宮冷露華凝驪山草暗  
墟周業耶塢花繁失漢陵白馬素車江海上依然  
潮汐撼西興金爵觚稜月向低洽洽清磬萬松  
西五門曙色開龍尾十日春寒健馬蹏紅霧不收  
花氣合綠波初漲柳條齊遺民暗憶名都會尚繞  
湖濤唱大堤藍湖詩南渡山川王氣銷西風松柏  
認前朝紫宸無復千官宴滄海空餘半夜潮龍去

錢塘縣志

紀都

三

蓬萊曾駐輦鳳歸寥廓不聞簫上方樓閣依稀在  
暮雨疎鐘送寂寥方九敘詩前朝官闕鳳山隈輦  
路荒涼過客哀禾黍尚遺南國恨旌旗空憶北庭  
回松欹舊井琉璃在蘇蝕殘碑翡翠開歌舞當年  
明月好只今惟照梵王臺程可中詩醉凭斜日眺  
滄浪引杖明霞水一方道側斷碑沈屐屬草中殘  
瓦卧鴛鴦烟消林影窺宮籞江落潮痕上女牆遺  
恨彈丸江左地岳王墳墓弔秋霜僧釋法聚詩大  
堤迴接鳳山遙金勒東風細馬驕芳草不知埋帝  
骨柳枝猶自學宮腰天空水月三千頃春老鶯花  
十二橋見說樓船醉年少平章猶免紫宸朝童漢  
臣詩青山曾結鳳凰樓玉殿俄看變黍邱宮樹蕭  
條人盡去江聲寂寞恨空流中興不竟千年業二  
帝終懷萬古愁最是傷心凭望處白雲芳草兩悠  
悠徐桂御教場懷古詩宋家曾此耀三軍壁壘蒼  
茫向夕曛霜仗霓旌空舊日吳鉤越棘散如雲波  
澄自偃魚龍陳谷響誰喧虎豹羣聞道佳兵非息  
戰雨階千羽在修文秋日登臨思不禁荒臺修楚  
動蕭森江湖自遠新城郭宮月猶懸舊羽林徵道  
亂縈千載樹周虛平入萬家砧惡聞風急寒蛩語



疑是嚴更  
夜夜音

論曰自五代南宋迄今幾千載中歷四王而更七帝乃野老譚故實曰湖曰江曰塘曰門諸以錢名者至宰堵波之鉅者梵宇之麗者如射潮移山履石試劍諸奇絕事必舉歸武肅王王真英雄哉趙宋官家厭沃熙洽一旦易裳珮而介戎馬已又脫戎馬而覬湖山宜其湛涵流連累世不復振矣嗟夫方武肅盛時或者說曰決西湖築宮可王一千年王曰天下安有一千年無真主者說遂格說者又曰設西湖遂決安所取居六帝馬足無北轅或

錢塘縣志

紀都

十三

應之曰思陵代二帝監國非真帝顧不若世世雄踞湖山南面樂也由前說可爲西湖解勞由後說可爲西湖解嘲乃今追想英雄之概與湛涵之踪俱成往事矣聊采其經始此地具名故牒者供弔古之士一寄慨云若夫兩朝世家故實具存國史非一邑乘所宜及矣